



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 21. Picti Schisma abjiciunt.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

tum aliquamdiu apud se retinuit, ejus ^{Sæcul. VIII.} consilio in rebus arduis usurus; S. Al- ^{A. C. 709.} thelmus vero annis non plus quatuor E-
piscopatum tenuit, obiitque anno 709.
vigesimo quinto Maji, quo die ejus me- ^{Mart. Rom.} moria ab Ecclesia colitur. S. Althelmum ^{25. M.}
Libri scripti celebrem reddiderunt. Præ-
ter librum contra errores Britonum, scri-
psit alium in prosa & in versibus, ha-
bemusque hos duos Tractatus, in quo-
rum posteriore Elogia multorum Sancto-
rum affert, præsertim S. Benedicti, quem
tanquam præcipuum Instituti Monastici
Magistrum dilaudat. Præterea de octo
vitiis aliqua ænigmata, & aliquot Epi-
stolas scripserat. Adrianus S. Althelmi
olim Magister eodem anno 709. fatis fun-
ctus est.

§. XXI.

Picti Schisma abjiciunt.

Sanctus Ceolfridus S. Benedicti Bisco-
pii Discipulus & Successor illa tem-
pestate duo Monasteria Viromuthanum
& Jaroviense regebat. Is cum Magistro
suo olim Romæ fuerat, vir in omnibus,
quæ ad Professionem Monasticam perti-
nent, versatissimus, & pio zelo ardens.
Monasteriorum reditus auxit, Sacella ^{Aff. SS. Be.}
extruxit, eaque ornavit, & Vasa sacra ad- ^{to. 2. p. 1011.}
didit. Inprimis Bibliothecam, cujus qua-
si fundamenta Benedictus posuerat, locu-
pleta.

Sæcul. VIII.
A. C. 709.
pletavit, adjiciens tres Biblias novæ ver-
sionis, id est, S. Hieronymi, quas Roma
attulerat, & librum Cosmographiæ, O-
pus elegantissimum.

Idem a Sergio Papa obtinuit Privi-
legium, simile illi, quod Benedictus ab
Agathone Papa impetraverat, quod in
Concilio subscribentibus Episcopis & Re-
ge Alfrido confirmatum.

Act. SS. Be.
to. 3. p. 292.
Bed. V. c. 22.
Sub annum septingentesimum deci-
mum Naiton Rex Pictorum, incolentium
illam Britanniaë Partem, quæ Septentrio-
nem spectat, hodie Scotiam, frequenti
Scripturarum meditatione meliora edu-
ctus, renunciavit errori, quem huc us-
que in celebrando Paschate retinuerat,
& totum populum suum ad Ritum Ca-
tholicum reduxit. Pictorum Apostolus
fuerat S. Columbanus senior, qui cum
esset natione Hibernus, eos patriæ suæ
traditionem edocuerat.

Sup. Lib.
XXXIV.
§. 16.

Igitur Rex Naiton subditos suos per-
moturus, ut consuetudinem Catholico-
rum reciperent, quo facilius, & majore
Auctoritate id faceret, auxilium ex An-
glia accivit, missisque ad S. Ceolfridum
Legatis rogavit, ut se hac super re eru-
diret. Præterea petebat, ut sibi mitte-
ret Architectos, ad ædificandam in pa-
tria sua Ecclesiam lapideam more Roma-
norum, promittebatque, jussurum se, ut
ea S. Petri honori consecraretur, seque
cum

Sæcul. VIII.
A. C. 709.

cum populo suo, quantum locorum di-
stantia, & linguarum diversitas permit-
teret, Ecclesiæ Romanæ consuetudines
amplexurum. S. Ceolfridus ei Archite-
ctos misit, &, data Epistola prolixa, do-
ctissime probat, Pascha cum Ecelesia Ca-
tholica, tertia septimana mensis primi,
& semper Die Dominica, esse celebran-
dum. Variorum Cyclos, nempe Euse-
bii, Theophili, S. Cyrilli, & tandem Dio-
nyssii Exigui, necdum expletum, ad-
ducit.

Quod ad Tonfuram attinet, fatetur
rem esse in se indifferentem; asserit ta-
men, Tonfuram S. Petri, scilicet coronam
integram, Tonfuræ Simonis Magi, quæ
tantum in parte capitis anteriore promi-
net, esse præhabendam.

Nempe veram esse præsumit hanc
Traditionem, de qua illo ævo nemo du-
bitasse videtur. Hac Epistola, præsentem
Rege Naitone & multis viris doctis præ-
lecta, & in eorum sermonem patrium
traducta, surrexit Rex in medio Proce-
rum, ubi sederat, flexit genua, & Gra-
tias Deo egit, quod tantum thesaurum
ex Anglia allatum meruisset accipere.
*Sciebam quidem antea, dicebat, hanc ve-
ram esse celebrandi Pascha rationem, mo-
do autem adeo clare causam perspicio, ut
hanc rem antebac prorsus non intellexisse
jam mihi videar. Itaque coram vobis*
pro-

Sæcul. VIII. *profiteor, me cum toto populo meo hunc*
A. C. 710. *morem semper servaturum, jamque volo*
& jubeo, ut omnes Clerici in Regno meo
Tonsuram Romanorum modo gerant. Il-
lico istud Decretum executioni datum,
& in tota Regione Pictorum ex Regis
mandato Cyclo Paschalis annorum no-
vemdecim, rejecto Cyclo annorum octo-
ginta quatuor, quo prius utebantur, ca-
pitis descriptus.

§. XXII.

Papa Constantinopoli.

Anast. Inter hæc Justinianus Imperator missis
mandatis Constantinum Papam Con-
stantinopolim accivit. Obediit Papa, &
in Portu Romano navem conscendit
quinto Octobr. Indictione nona, id est,
anno 710. duobus Episcopis, Presbyteris
tribus, & quibusdam aliis exiguo nume-
ro Clericis Pontificem comitantibus
Papa absente Joannes cognomento Rizo-
copus, Patricius, & Exarchus, Romanum
contendens, jugulavit Paulum Diaconum
& Vicedominum, Petrum Arcerium,
Sergium Presbyterum & Abbatem,
& Sergium Ordinatorem, & inde Ra-
vennam delatus justo Dei judicio puden-
da morte occubuit. Papa, postquam
Hydrunti hyemem exegisset, Constanti-
nopolim primum & deinde Nicomediam
contigit, quo Imperator Nicæa ad eum
venit.